



ANTONIVS CAETANVS, DEI, & Apostolicæ Sedis gratia Archiepiscopus Capuæ, Sanctissimi D.N. Pauli diuina prouidentia Papæ V. eiusdemque Sedis in Hispaniarum Regnis cum potestate Legati de latere Nuntius, & Collector Generalis: Vniuersis & singulis Illustrissimis & Reuerendissimis DD. Archiepiscopis, Episcopis, Abbatibus, Prioribus, tam secularibus, quam quorumcumque Ordinum, & Militiarum Regularibus, Decanis, Archipresbyteris, Prepositis, Capitulis, Canonicis, Presbyteris, & alijs quibuscumque in dignitate Ecclesiastica constitutis: Nec non Illustrissimis & Eccellentissimis DD. Principibus, Ducibus, Marchionibus, Comitibus, Baronibus, Nobilibus, Militibus, Bauiliis, Prætoribus, omnibusque alijs, ad quos infra scripta tangunt, illique, vel illis, ad quem presentes nostræ litteræ peruenient, Salutem in Domino. NOVERINT, quod Sacra Congregatio Illustrissimorum DD. S.R.E. Cardinalium Concilij Tridentini Interpretū, iussu Sanctissimi D.N. Papæ, eiusdem Sacri Concilij decretis inherendo, omnes licentias celebrandi in Oratorijs priuatis per suas literas reuocauit: quarum quidem literarum tenor sequitur, & est talis.

Illustrissimo & Reuerendissimo D.D. Nuntio Hispaniarum. Illustrissime ac Reuerendissime Domine. Tametsi Sacra Congregatio Cardinalium Concilij Tridentini Interpretum, optimis innixa rationibus, saepissimè respondit, celebrandi licentias in priuatis Oratorijs non nisi à Sede Apostolica esse concedendas: compertum est tamen, per plures Antistites, eiusdem Concilij verba in alium sensum detorquentes, passim illas, ac nullo prope delectu, impetriri: qua quidem facultate nedum ipsi Pontificiam sibi auctoritatem asciscunt, aliarumque Ecclesiarum & frequentiam minuunt, & dignitatem verum etiam (quod summe dolendum est) tremendum illud mysterium (quo nullum aliud opus adeo sanctum atque diuinum à Christi fidelibus tractari potest) intra domesticos parietes plerumque tanta cum irreuerentia peragitur, vt nihil fere inter profanā & diuinam domum interesse videatur. Quod sane teterimum exemplum vt de Christiana Republica euellant Illustrissimi Patres, Amplitudini tuę, ceterisq. Nuntijs Apostolicis, Archiepiscopis item & Episcopis vniuersis Sanctissimi D.N. iussu significandum duxerunt, facultatem huiusmodi licentias dandi iussi Concilij Tridentini decretis ynicuique ad eum esse solique Beatissimo Romano Pontifici esse reservata. Quae ab amicis illius Amplitudini tuę ab illis vt cum que tribuendis, ac si quas haec tenus, vel a se ipso, vel a suis antecessoribus, aut alias quoquomodo, quam à prædicta Sede concessas repererit, nullas atque irritas esse, quam primum decernendas, atque enixe curandum, ne vlla illarum ratio imposterum habeatur: quinimo, vt funditus tollantur abusus, qui hac in re plus nimio inoluerunt, Sanctissimus illas quoque ab Amplitudine tua suspendi iussit, quas in hanc usque diem quisque ab ipsa Sede Apostolica asseditus est. Huic igitur Sacrae Congregationis, atque adeo Sanctitatis suæ voluntati æquo animo parebit Amplitudo tua, & bene valebit in Domino, a quo cuncta illi prospera, ac salutaria precamur. Rome die xxv. Octobris, anno M.DC.XV. Amplitudini tuę Illustrissime, ac Reuerendissime ad inseruendum paratus Ho. Cardinalis Lancellotus.

Nos itaque in executionem præinsertarum literarum easdem literas publicari mandauimus, prout per presentes publicamus, ac ad vestram, & cuiuslibet vestrum notitiam deducimus. Et insuper omnes, et singulas licentias celebrandi in Oratorijs priuatis tam a nobis, quam predecessoribus nostris Sedis Apostolice Nuntijs, quam ab Ordinarijs locorum, aut alias quoquomodo, quam a Sede Apostolica concessas auctoritate Apostolica nobis per præinsertas literas concessa reuocamus, et annullamus, ac reuocatas, nullas, et irritas esse decernimus, ac etiam quascunque alias similes licentias ab eodem Sanctissimo Domino nostro Papa, et predecessoribus suis Romanis Pontificibus usque ad diem datae præinsertarum literarum concessas eodem Sanctissimi Domini nostri iussu suspendimus, contrarijs non obstantibus quibuscumque. Dat. Madridi Toletane Dioceſ. anno Domini millesimo sexcentesimo decimo sexto, die secunda mensis Ianuarij Pontificatus eiusdem Sanctissimi Domini nostri Papæ anno undecimo.

Antonius Archiepiscopus Capuæ, Nuncius Apostolicus.

Stephanus de Salmis Abbreviator.

Aſcultata fuit cum suo originali & concordat quod attestor Ego Stephanus de Salmis Abbreviator.